

Sequitur, Duc numerum maximum tabulae Gnomonicae, scilicet 1200, in Sinum primum modo repertum scilicet CD, &c.

Nequaquam hic tota CD, sed eius medietas intelligenda est, quae ut dictum est, cum linea ab A oculo ad modum pinnacidiij emissa, rectum angulum facit, Sic tandem procedit recte tota operatio certissimis Geometriae nixa praesidijs,

Hoc modo attento, quod ex tabula Gnomonica depromptus numerus graduum & minorum, arcum perhibet praedicto primo Sinui debitum, qui non integram stellarum distantiam, sed medietatem eius metitur, Quomodo Sinus ipse non est tota chorda, sed medietas eius quae stellarum distantiae arcui subtenditur. Sic in Vualtheri obseruatione adductus Sinus primus non est totius pinnacidiij mensura, sed medietas eius, ita ut tandem ex Gnomonis tabula elicitus numerus non totam stellarum distantiam, sed medietatem eius perhibeat. Iste modus in modica distantia stellarum satis certus est, sed in magna distantia aliquid erroris generabit,